

# Niira na inama sa manyaka



## Emakhuwa



A produção deste livro tornou-se possível graças ao apoio do povo Americano através da Agência dos Estados Unidos para o Desenvolvimento Internacional (USAID). O conteúdo desta publicação é da total responsabilidade do Ministério da Educação e Desenvolvimento Humano da República de Moçambique.

## FICHA TÉCNICA

**Título:**

Niira na inama sa manyaka

**Língua:**

Emakhuwa

**Coordenação Editorial - MINEDH:**

Telésfero de Jesus

**Vamos Ler!:**

Samima Patel, Abdala Machude, Amélia Bazima, Dilson Buque e Francisco Sampaio

**Autores:**

Neves Jacinto Anselmo, Júlio Bernardo, Lucas Bonga, Eduardo Napualo,

Elmano Mucopo, Ana Jahamo e Saraiva A Aibo

**Assessoria Linguística e metodológica:**

Carlos Manuel e Maurício Bernardo

**Ilustração:**

Orlando Chissano

**Maquetização:**

Walter Sambo

**Capa:**

Orlando Chissano e Walter Sambo

**Impressão:**

Nova Delhi, Índia

**Tiragem:**

2446

**N.º do registo:**

10055/RLINICC/2019

Financiado pela USAID

República de Moçambique







Mutakhwani sinnikhala inama soovirikana sirina manyaka ni  
sihirina manyaka, sineetta ni metto, sinivava ni  
siniipurula.


Inama sa manyaka ti: naahe, epaala, ephalavi, enari ni sikina.

Inama sihirina manyaka ti: mwatto, hukula, khole, havara ni sikina.

Sookhala inama sinlyा malaxi, sinikhura enama ni sinlyा malaxi  
ni inama.

Sookhala iye sinivava, ntoko ekhwali, ekhweyi, nsiya, xawawe,  
kamathala, esiisi, marikici, mpottokholo, xaaka ni sikina.

Sookhala tho iye siniipurula, ntoko enowa. Ni tho sikina sirina metto  
sookhuveya, ntoko namanriya, ekonya, enyootto ni sikina.





Nihiku nimosa inama sa manyaka saahithukumana wiira sivaanele.  
Nvaanelo ole waari woolavula niira na inama sa manyaka.  
Tivo inama iye sihaarina manyaka khisaalattuliwe.  
Etthepe, yaahooolela muthukumano owo, yahihimya yiiraka:  
-Noothukumana va wiira nilayihane mananna a opaka niira nahu,  
hiyo axinama nirina manyaka. Niireke sayi?  
Phako ahaakhula iiraka:  
Khula enama eruuheke yoolya aya nihiku naphiya.  
Ootheene yaahikupali. Ni ncoco naahiikumiherya oruuha otheka  
omphiyera waavaha axinama ootheene.





Siiso naahe ni epaala yaahiikumiherya orowa okwesa nипуwa  
naarowa okhala niira.

Nave phako aahiikumiherya orowa okwesa wiira aakhaliherye  
akhwaawe othipela makukhu yaarowa oveliwa.

Owo aaphavela wiira makukhu oowuuma ahipahiwe woona wiira  
yaamurowa opaha etakhwa.

Etthepo yaahisiveliwa ni muupuwelo wa phako, tivo aahivekela  
woopeliwa makuphi phako.

Inama sootheene saahoopa makuphi okhala wiira etakhwa yapaheya  
enoohonona impa ni soolya sa inama.





Enari yaahiihimya yiiraka: Miyo kinrowa waakhapelela ale anrowa ohapaliwa wiira ale ahirina manyaka ahaalume.

Sioso inama saahileyihana wiira, nihuku na niira, nooworowa makaaripi, yeemeleke wa ahumu etthepo.

Nihiku nne naari namurunku. Okhuma nihiku nenso, khula enama yaatholathola yoolya.

Inama soothene sahilikanha soolya saya seyiyo saatthunaaya oruwiha wa ahumu nooworowa voosiisu.

Inama silipelelaka nihiku noorwiha soolya wa ahumu, saanaaleela axinama akina mwaha wa niira naya.

Namarokolo aahirowa ophavela manyaka wiiphatteya.





Noophatteya manyaka vamuru, namarokolo ahirowa omuleela mwatto ni khole.

Awo yaahileyihana orowa oniirani iwe ahilattuliwe siiso.

Namarokolo aahaakoha akhwaawe ale mananna xeeni yaarowaaya ophiya vaniirani.

Awosa yaahimukoha nave namarokolo aatthunaawe ophiya.

Namarokolo ahaakhula wiira aahilikana woona aahela manyaka vamuru.


Siiso kharamu ni khole yaahimuleela namarokolo wiira onoorowa ovariwa, masi owo kuhikupali.

Namarokolo aahiroromela wiira manyaka awe yaahilipa saana.





Nihiku noorowiha soolya wa ahumu, inama saahithukumana  
wiira sirowihe soolya.  
Noomalela saahivenya sinaarowa waahumu ohiya soolya.  
Wa miritti iye yaahikhala malaxi, nakuwo, mphakura, mattuvi,  
mihali, itthema, meeple, masi enama nnaari.  
Aphiyaaya wa ahumu, axinama ale khiyaamphwannye muneene,  
masi ola naanaanoru aahihokolowa.  
Noohokolowa, aahaaphwanya axinama yaaruuhha soolya.  
Ahumu yaahaavekela amwaaraya ni anaaya wiira yaakhelele soolya.  
Awo yaahaakhelela soolya iye anarowa opweha mpaani, masi  
woohitthukula nnakhala nihuta nimosa.





Inama noopiiha soolya, saahihokolowa. Masi phako, naahe ni epaala saahihala.

Iyo saahalenle wiira sikwese vathi va mwiri yaarowaaya okilaathi axinama avirihaka niira.

Awo yaahikwesa nipuro nne nnakhala nooreera, masi namarokolo aaneettelela.

Yaamalihalaaya, yaahirowasa owaani omumula alipelelaka wiila ni oxa waya wiira yavirihe niira.

Okathi yoowo enari yaahirowa othola murette soowaaloola ale anriowa ovulala.

Aahiphavela tho nikula nooteexera inama sikina sahapaliya otheka.





Vaxaaka, nihiku na niira naahiphiya. Inama saahithukumana ni soolya saahikumiheriwa vate.

Axipalame yaamwiipa, nsuwa naamoopa voohitepa oviha naari, nihiku naaxiye salaama.

Inama saahipacerya ovaanel a ni olya vamosa vootteeliwa murima.

Sahiiwuurya otheka wa meelee ni sinapacerya wiipa ni wiina.

Ettheppo yaahivenxa mpitthi aya enawurya otheka.

Naahe aahituphatupha onari otteeliwa murima nihiku nenna.


Nto inama sa manyaka voohisuwela vaavo wiira namarokololo ari vaavale alyaaka, awuryaka ni iinaka.

Ola aahiiliyala wiira vale khaalattuliwe, ari namatankanya.





Axinama yaamutepa awuryaka, yiipaka ni yiinaka.  
Nsuwa naahipacerya oviha ni namarokolo aakilaathale ottayiwene.  
Oviha wa nsuwa naahimphwanya vamuru vale.  
Onyoma waalipiha manyaka a epuri mmuru mwa namarokolo  
waahitothowa.  
Siiso manyaka yaahimora ni enaari yaawehaweha vale yaahoona  
wiira ole namarokolo.  
Enari yaahivenya erowa waalela ahumu, awo anamuruma wiira  
anvare ni amruuhele.





Namarokolo aahoona enaari erowaka olavula ni etthepo.  
Owo aahivenya, aeemela aweehaka enari yaarowelaaya weetta.  
Enari ekhuma yaaraaya ahumu ethywaka, ekhuwelaka yaahiira:  
-Munvare namarokolo owo ori vo. Mulavilavi! Manyaka aahenlaawe  
mmuruni aamoora.  
Namarokolo oonalaawe enari etthimakaka erwaaka, eyo ekhuwelaka,  
owo aahithupuluwa orowaka mutakhwani.  
Owo aahitthyawela ottayiwene wiira ohivariwe ni mpaka olelo ori  
mwemmo.  
Siiso muhikuxe etthu ya axineene muhivahin'we wala muhirowa  
oniirani wa axineene muhilattuliwe.





●

●

●